

# BACCALAURÉAT GÉNÉRAL

ÉPREUVE D'ENSEIGNEMENT DE SPÉCIALITÉ

SESSION 2024

## LANGUES, LITTÉRATURES ET CULTURES ÉTRANGÈRES ET RÉGIONALES

CORSE

**Jeudi 20 juin**

Durée de l'épreuve : **3 heures 30**

*L'usage du dictionnaire unilingue non encyclopédique est autorisé.*

*La calculatrice n'est pas autorisée.*

Dès que ce sujet vous est remis, assurez-vous qu'il est complet.

Ce sujet comporte 10 pages numérotées de 1/10 à 10/10.

### Répartition des points

Synthèse	16 points
Traduction ou transposition	4 points

## SUJET 1

### THÉMATIQUE : « La Nature et l'Homme»

#### 1<sup>ère</sup> partie : Sintesi di ducumenti – (16 points sur 20)

Fate una sintesi appughjendu forse a vostra riflessione à partesi di isse due piste :

- ind'una prima parte cumu a natura hè persunificata ind'a literatura corsa.
- ind'una seconda parte l'influenza ch'ellu pò avè l'ambiente naturale nantu à a vita di l'omu.

#### 2<sup>ème</sup> partie : Traduzione in frencese – (4 points sur 20)

Ferete una traduzione di u strattu seguente:

« Un criditi micca chì u paesi sia statu postu in un vangoni neru è pantanosu. À u cuntrariu, si truvava à nantu à una serra di punta à a marina. Un fattu stranu in issu paesi, è chì ghjera rimarcatu quand'omu ci stava un'inguernata, hè chì s'ellu ci nivava, s'ellu ci facia u ventu, s'ellu ci piuvia, mai, ma allora mai, ci ghjunghjia a fumaccia. Nimu s'invenia d'avè vistu un ghjornu, in li limiti di u paesi chì eranu marcati cun quattru croci, u minimu stracciu di fumaccia. Tuttu ciò ch'elli sapianu l'abitanti di a fumaccia, l'avianu imparatu in li paesi vicini è tutti avianu ritenutu l'impressioni strana è trista d'essa ammutulitu è sbuffulatu da a nebbia. »

## Ducumentu 1 : A FUMACCIA

Matteu, u persunagiu principale conta cum'ella hè ghjunta a fumaccia ind'u so paese è e cunseguenze ch'ella hà avutu nantu à a vita di i paisani.

U paesi era cullacatu vicinu à u mummulumi<sup>1</sup> cuntinuu di u ghjargalu<sup>2</sup>. Da a vicinanza di l'acqua sò nati i raconti è i foli à nantu à i murtulaghji è i lagramanti<sup>3</sup>. Quand'e eru zitellu, solu calchì vechju parlava sempre di i prucessioni chì si purtavanu u doppiu di l'omu chì durmia. I giovani, elli, ùn ci credianu più è, da veru, i lagramanti o i murtulaghji, di memoria d'omu ùn si n'era mai vistu in lu paesi.

Ùn criditi micca chì u paesi sia statu postu in un vangoni neru è pantanosu<sup>4</sup>. À u cuntrariu, si truvava à nantu à una sarra di punta à a marina. Un fattu stranu in issu paesi, è chì ghjera rimarcatu quand'omu ci stava un'inguernata, hè chì s'ellu ci nivava, s'ellu ci facia u ventu, s'ellu ci piuvia, mai, ma allora mai, ci ghjunghjia a fumaccia. Nimu s'invenia d'avè vistu un ghjornu, in li limiti di u paesi chì eranu marcati cun quattru croci, u minimu stracci di fumaccia. Tuttu ciò ch'elli sapianu l'abitanti di a fumaccia, l'avianu imparatu in li paesi vicini è tutti avianu ritenutu l'impressioni strana è trista d'essa ammutulitu è sbuffulatu da a nebbia. (...)

Spessu aviu intesu dì à babbu chì a fumaccia ùn ci era mai ghjunta in lu paesi, ch'ella si firmava in cima di a muntagna maiò ! Ni aviu parlatu à Aldabella è aviamu dicisu di parta insemi. Eramu felici, andavamu à veda a fumaccia.

Matteu è Aldabella anu empiutu una scatula di nebbia pagna è l'anu arricata in paese. U stracci di fumaccia era andatu à ficcà si sopra à u campanile di u paese.

U primu passu à nantu à a strada di a disgrazia era fattu. U tempu avia da essa u più grandi numicu di u paesi. Avia da sfilà senza chì l'omi fessinu casu à u periculu di u stracci longu di a fumaccia sopra à u campanili. L'anni sò andati è semu ingrandati. S'è n'andavamu sempri à u ghjargalu, ùn era più à piscà è stavamu zitti unu accantu à l'altru, sicuri di capì ci senza bisognu di parlà. È un ghjornu, ci semu maritati.

Campavamu felici senza fà casu à a fumaccia chì fasciava a ghjesgia è solu ella. Ma pianu pianu, s'era stesa, sopra à a casa di u sgiò Carlu è sopra à quilla di babbu è di mamma. U tempu passava, a fumaccia si stindia, di più in più in freccia<sup>5</sup>, senza chì a ghjenti fessi nulla.

A fumaccia avia finitu par copra u paesi sanu, ma, inveci di cuntinuà à stenda si, si era fermata ghjustu sopra à i quattro croci chì limiteghjanu u paesi. I paesani si eranu tutti chiusi in casa è avianu sarratu i purtelli. A fumaccia sbuffulava a ghjenti

Chjappendu li à a cannella. I casi grisgi d'acqua è di fumaccia appuzzata<sup>6</sup> si strughjanu in lu grisgiu di a nebbia. Par truvà a so strada, ci vulia à viaghjà circhendu à pasponi u longu di i muri è l'ochji avianu persu a so utilità. I zitelli chì nascianu eranu cechi.

A fumaccia ammutulia tuttu u paesi. L'animali eranu stati i prima à mora suvitati da l'arburi chì ùn vidianu più u soli. L'omi ùn parlavanu più, lampavanu un brionu cum'è

<sup>1</sup> u rimore

<sup>2</sup> un fumicellu

<sup>3</sup> spiriti di a nebbia

<sup>4</sup> carcu di fanga

<sup>5</sup> in furia

<sup>6</sup> empiutu d'acqua

bestii. Certi eranu vulsutu parta, com'è i nostri figlioli, è ùn avemu mai più avutu nutizii d'elli. À misura ch'elli passavanu l'anni, guasgi tutti l'abitanti eranu divintati cionchi, cechi è muti. È eiu pensavu chì sessanta anni innanzi aviu ghjuntu a fumaccia in lu paesi.

Cù a fumaccia eranu cuminciati à ghjunghja i lagramanti, i spiriti di l'acqua è di a nebbia, i mazzeri chì facianu a caccia à l'anumi di quilli chì durmianu è i murtulaghji chì facianu u giru di u paesi in una prucessioni funesta.

[www.mazzeri.com](http://www.mazzeri.com), Ghjuvan Luigi Moracchini, 2004

## Ducumentu 2 : A spusata

Tù chì sè ghjuntu quì ascolta a mio rima  
Conta a storia d'u monte quallà  
Un capu di donna incù a so scuffia<sup>1</sup> in cima  
Omu a chjama “a Spusata” impitrata tempi fà

Era giuvanotta, povara cun mamma  
Cun poca robba per campà  
Ma cusì bella chì un sgiò n'ebbe brama  
La dumandò è spusata si vulia appruntà

“N'aghju fattu centu viaghji luntani  
Per ‘sse cuntrate da mare in là  
Oghje sò compii li pienti è l'affanni  
Ch'aghju trouu infine a donna ch'ieu puderia amà.”

“Sò scalza è spugliata, a sorte hè crudela  
Ma lu m'amore prezzu ùn hà  
Chì lu mio core di tinta pasturella  
Vale tuttu l'oru chì eiu n'ùn vi possu dà.”

Quandu vinse l'ora di passà la porta  
Vidì nant'u stradò quallà  
Una cavalcata ghjunta à fà li scorta  
Cume s'ella fussi puru signora ad accumpagnà.

Tandu a giuvanotta in cerca di dota  
Si messe à tuttu impacchettà  
Lasciò a mamma in la casa ormai biota  
Piengħjendu è lagnendu si di tant'infamità.

Povera vichjetta sola è disgraziata  
Senza più nunda per campà  
Mancu un addiu, è manc'una abbracciata  
Figliola cusì ingrata senzu un palmu di pietà

Scema di dolore, di pienti abbagliata  
A mamma si messe à ghjastemà  
“Cor' di petra, in petra fussi scambiata !”  
Eccu a fola di a Spusata impitrata tempi fà.

Għjuvan Marcu Ceccaldi

---

<sup>1</sup> une coiffe

### Ducumentu 3 : A spusata


*In Corsica, parechje petre anu forme propiu stupende chì anu datu nascita à fole famose.*

a Spusata



A punta di a Spusata sopra à Vicu

u liò di Roccapina



U liò di Roccapina trà Sartè è Bunifaziu

## SUJET 2

### THÉMATIQUE : « VIE ÉCONOMIQUE ET SOCIALE »

#### 1<sup>ère</sup> partie : Sintesi di ducumenti – (16 points sur 20)

**Fate una sintesi appughjendu forse a vostra riflessione à partesi di isse due piste :**

- Discrivite a natura è e mudalità di funziunamentu di u sistema ecconomicu tradiziunale (attività, organizzazione di u spaziu, puntelli storichi...). Quandu è perchè si ne và di male issu sistema ?
- Oghje, qualesse sò e perspettive per l'agricoltura è u pasturisimu in Corsica ?

#### 2<sup>ème</sup> partie : Traduzione in francese – (4 points sur 20)

#### Traducite in lingua francese : (strattu da u ducumentu 1)

Culà, ci campavamu. Eramu quattru o cinque pasturelli vicini di stazzu è, à ghjorni ghjorni, ci ne andavamu à quella funtanella fresca è chjara è ci sciaccavamu un brocciu fattu tandu... Passavamu e settimane senza falà in paese, s'ella ùn era per appruvistacci. Di quandu in quandu ci vulia à falà un casgiu sguttatu per custudiscelu in le carciule, à un paese ; i casgili chì eranu grotte eranu troppu chjuchi per tenene assai.

Ci accadia ancu di sbuccà annantu à Monte Cintu per vede quasi a Corsica sana. Si scupria u mare tuttu à l'ingiru, fora d'un scornu ascosu da Monte Ritondu. Altre volte, ci ne cullavamu in lu pianu à Lavu è scuntravamu i pastori curscinchi è ancu l'Aschesi è faciamu mirenda tutti insieme, scambiendu ciò chì n'aviamu. Dopu magnatu, ci faciamu una improvisata o una paghjella. Chì bella vita !

## Ducumentu 1 :

Ognunu sà chì i pastori niulinchi impiaghjanu è ammuntagnanu ad ogni stagione. Toccu magħju o ghjunghju, e bande collanu à l'altura. In piaghja ci sò l'affari ad attundà, a cuglieria di e biade anzi tuttu.

Appena a racolta in granaghju, e famiglie si ne vanu anch'elle in Niolu, è unu per famiglia piantava per chì nulla andessi di male.

Ci sò statu anch'eiu parechje volte. Per salvà i quattru raspolli di l'uva, l'ortaglia : pomi, fasgioli bianchi, rossi o bracanati, piselli o ceci, agliu è cipolla. Cusì a pruvista per l'inguernu era assicurata.

Faciamu tutti indi issa manera d'attundà tutte quelle faccende nanzu San Ghjacumu chì era a festa patrunale in Niolu. Cusì, versu u 24 lugliu, a vigilia di quella festa, sbuccavamu in paese, cotti da u sole ma cuntenti di pudè gode un pocu di riposu è piglià qualchì divertimentu...

U nostru piacè era di sguaità quand'un paisanu ghjunghjia da piaghja è ciò ch'elli si dicianu trà ellu è a moglia dopu tanti mesi di spiccanza. Una sera videmu affaccà à San Martinu ziu « Cosu » incù a mula nanzu, carca. Ghjuntu in piazza di a casa, zia « Cosa » esce è, da l'altra parte di a fera, senza nè tuccassi a manu, nè basgiassi, ella dice :

- Allora, ai fattu bon viaghju ?
- Iè !
- Ùn ci hè nulla di novu quaghjò ?
- Innò.
- A racolta hè stata bona ?
- Ùn ci hè male... Caccia issa funa !
- Tutti in salute in piaghja ?
- Iè... Teni u saccu !

È po si ne entrianu in casa. Issu cuntrastu cusì semplice è naturale mi fece mette à paragone i tempi d'oghje.

Quand'e ùn piantava micca in piaghja, per salvà a pruvista, mi ne ammuntagnava à l'entrata di ghjunghju, incù e pecure è, dopu qualchì ghjornu in lu circulu di u paese, mi ne cullava cum'è l'altri in la Presa d'Ascia, à un pede di Monte Cintu.

Culà, ci campavamu. Eramu quattru o cinque pasturelli vicini di stazzu è, à ghjorni ghjorni, ci ne andavamu à quella funtanella fresca è chjara è ci sciaccavamu un brocciu fattu tandu... Passavamu e settimane senza falà in paese, s'ella ùn era per appruvistacci. Di quandu in quandu ci vulia à falà un casgiu sguttatu per custudiscelu in le carciule, à un paese ; i casgili chì eranu grotte eranu troppu chjuchi per tenene assai.

Ci accadia ancu di sbuccà annantu à Monte Cintu per vede quasi a Corsica sana. Si scupria u mare tuttu à l'ingiru, fora d'un scornu ascosu da Monte Ritondu. Altre volte, ci ne cullavamu in lu pianu à Lavu è scuntravamu i pastori curscinchi è ancu l'Aschesi è faciamu mirenda tutti insieme, scambiendu ciò chì n'aviamu. Dopu magnatu, ci faciamu una improvisata o una paghjella. Chì bella vita !

**Peppu FLORI, Passi di ricordi zitellini, Anthologie de la littérature corse, 1973**

## Ducumentu 2 : A'MPIAGHJERA

Hè scalatu l'auturnu  
Fritulosu è lestu lestu  
Ben ch'ùn si songa u cornu  
Da annunciatà u furestu  
U pastore in lu so scornu  
L'hà capita bellu prestu

U sole ùn hè ancu esciutu  
Chì Salvadore viaghja  
Fendu un ultimu salutu  
À Tenda è a so vaccaghja  
Ch'avà lu tempu hè venutu  
Di fà u ritornu in piaghja

Nant'à i passi di u so babbu  
Seguita à la so manera  
E parole chì stu sabbiu  
L'hà datu per amparera  
È li fermeranu in capu  
Per guidallu mane è sera

E so pecure sò pronte  
À principià stu viaghju  
Dop'à esse state conte  
Da l'ochju di u pecuraghju  
Abbandonanu lu monte  
Per u stazzu di Tramuntaghju

Per le borghe è per le sarre  
Pascenu chete è tranquille  
Piengule, latine è chjare  
Ribombanu le so schille  
In la so contra ci pare  
Ch'ellu ci ne sia mille

Cù fischi è tante voci  
Ellu l'alletta in stu mentre  
Per chì a banda s'accorgi  
È capisca cum'è sempre  
Senza aiutu di rillogi  
Ch'ell'hè ora di rientre

Rifaleranu in paese  
Da induv'elle sò ghijunte  
Sperendu senza susprese  
Ch'elle figlinu quantunque  
È da quì à qualchì mese  
Torninu à esse munte

St'ambestita chì nün cambia  
Da li babbi à li figlioli  
Hè ciò ch'ellu si tramanda  
Nù i pastori muntagnoli  
Per chì a vita d'a so banda  
Abeternu si rinnovi

S'è l'antichi è le so pene  
L'hà spazzati u prugressu  
Salvadore si n'invene  
È ferma sempre listessu  
Fendu campà nù l'avvene  
Ciò ch'elli l'anu trasmessu


Cum'è l'acqua nù e piene  
Chì torna sempre à so riu  
Per a statina chì vene  
Appianu grazia di Diu  
Di cullacci per mantene  
St'usu in sempiternu vivu

*Francescu LUCIANI, 2017*

### Ducumentu 3 :



Furmagliaria industriale di Lucciana in Cismonte. À manca, i tinali rifrighjirati. St'impresa impiega 40 salariati. Racoglie 35 % di u latte di pecure in Corsica ind'è 100 pastori. Pruduce à l'annu 750 tonne di casgiu è 75 tonne di brocciu, chì 65 % sò vinduti in Francia cuntinintale è 5 % à u stragneru.



— AOP —  
**MIEL DE CORSE**  
— LE GOÛT DU MAQUIS —



Unipochi di prudutti esciuti da l'agricultura corsa protetti da u labellu auroueu « AOP ».